

OBSERVATIONUM
IN
T H U C Y D I D E M

FASCICULUM II.

PUBLICO EXAMINI SUBMITTIT

AC
NOMINE

RECTORIS ET PROFESSORUM
ORATIONES
IN REGIO GYMNASIO ILLUSTR

DIE XXVI. SEPTEMBRIS

HABENDAS

RITE INDICIT

CHRISTIAN. NATHANAEL OSIANDER,

Ph. D. eloqu. litt. hum. et hist. professor P. O.

MDCCCXXVIII.

STUTTGIARDIAE,

ex Officina FRATRUM MENTLERIORUM,

Typ. Ash. et Cancell.

11147



§. 1. Ad Thucydidis l. II. c. 60. sqq. Pericles, cum Athenienses in-
gravescente pestilentiae malo afflictos, et urgente belli calamitate ex-
acerbatos videret; gravi oratione, viro tanto prorsus digna, civium
animos tum placare studet, tum consolari, et erigere. Id vero
praesertim agit orator, ut patriae communis sensum et amorem in
civium animis excitet, eosque, gloriae stimulis exagitados, quam
direptis agris et praediis fecissent jacturam, indignius ferre non pa-
tiatur. Sed cum gravem ipse invidiam in se contraxisset, non
potest, quin sese ipsum auditoribus purget, et virtutes suas popu-
laribus commendet. Expositurus vero quam bene de republica me-
ruerit, ea utitur verborum exornatione, quam autor rhetoricorum
ad Herennium l. IV. c. 25. gradationem vocat. „Mihine, inquit,
tali viro, irasci audetis, qui persuasum habeam, me in iis, quae
ad rem faciunt, cognoscendis iisdemque explicandis nulli secun-
dum, patriae amantissimum et pecuniae cupiditati non obnoxium
esse. Si quis enim rerum peritus fuerit, nec luculenter queat de iis
expónere, perinde est, ac si nunquam ista in animum induxisset.
Si cui vero utrumque insit, nec idem patriae bene cupiat, nihil in
usus publicos ille profecturus videtur. At si vel hoc adfuerit, sed
pecuniae cupiditate aliquis sit inferior; hanc unam ob rem reliqua
omnia venundabit.“ Liceat, Demosthenis, quem alumnum quasi
Thucydidei ingenii dixeris, qui potiolem aura populari salutem pu-
blicam habendam esse, ipsius Periclis exemplo (Olynth. III. ed.
Schæfer, Lond. 1824. I. p. 23) docet, loca aliquot lectoribus in

mentem revocare, quae tum simile argumentum tractant, tum verborum structura a loco Thucydidis laudato haud aliena utuntur. Orator (pro corona c. 32. ed. Harles. p. 226) bene se patriæ cupere, et locupletium favorem juribus populi, Philippi vero largitiones et hospitium communi Græcorum saluti posthabuisse testatur: ibidemque c. 53 et 64 eandem fere, quam Pericles in prædicandis suis meritis adhibet gradationem. Cum universa ista Periclis oratione conferre juvat Ciceronis (de Oratore III. c. 34) iudicium: „Pericles cum contra voluntatem Atheniensium loqueretur pro salute patriæ, severius tamen id ipsum, quod ille contra populares homines diceret, popolare omnibus ac jucundum visum esse: tantamque in eo vim fuisse, ut in eorum mentibus, qui audissent, aculeos quosdam relinqueret.“ Hanc ipsum de Pericle sententiam *Diodorus* (XII. p. 307. ed. Steph.) Eupoli poëtæ tribuit.

§. 2. c. 61. Καὶ γὰρ οἱ μὲν αἴρεσις γέγνηται τὰλλα ἐτυχεῖν, πολλὴ ἀντιπόλεμος. rel.

Solenter de hoc loco disputavit *Doederlein*, vir clariss. (vid. *Seebode* Neues Archiv für Philol. und Pädagog. 1. u. 2tes Heft. p. 136) Τὰλλα ἐτυχεῖν sumitur, pro τὰλλα ποιοῦσιν ἐτυχεῖν. De ellipsi verbi ποιεῖν adeundus est *Lambertus Bos* (de ellips. græcis ed. Schæfer. p. 646.) Sequentia ita explicantur: „Sin autem necessitas alicui imponatur, aliis se subjiciendi, optione tamen proposita, vel ut statim victas det manus, vel ita, ut de victoria decertet: (suppletur περὶ τοῦ ante περιγενέσθαι); is, qui certaminis periculum detrectaverit, in multo maiorem incurrit reprehensionem, quam is, qui pugnam sustinuerit.“ Præcipuam, locum hunc ita interpretandi rationem suppeditant hæc: si consuetam sequaris interpretationem, Thucydides falso asseruisse existimandus esset, eum, qui periculo

fortiter suscepto superior discedat, *μειπτον* esse posse. Imo vituperatur, quicunque *τοῖς πελάγῃ ὑπάρχει*. Levior vero reprehensione dignus censetur, qui armis decernere, licet iniquo Marte, ausus est, nec in leges ab hoste impositas protinus concessit.

§. 3. c. 62. Ὅι πατερες οὐ παρ' ἄλλων δεζόμενοι κατεχον τε και προσετι διασωσαντες παρεδοσαν ἡμιν αὐτα.

Vocem *αὐτα* ad opes Atheniensium referendam esse, dubium non est. *Κατεχον* bene vertit *Heilmann*: An sich gebracht. *Bredovius* vero: Kräftig niedergehalten. Quæ versio quid sibi velit, vix intelligitur: nisi forte de sociis Atheniensium imperio subjectis vir doctissimus cogitaverit, quos in obsequio Athenæ continuerint. Sed de sociis aut civitatibus subjectis in proximo sermo non est. Quare, licet *κατεχαν* *Thucyd.* IV. 92 de impetu hostium sustinendo, et III. 45 de cupiditatum imperio occurrat; tamen, cur hoc loco a solenniore verbi significatione: „occuparunt“ quam *Plato* (de rep. II. ed. Bip. Tom. VI. p. 212) cum *ἀρχην* jungit, recedas, nihil causæ subest. Neque opponas: *τῷ δεζόμενῳ* istam notionem jam inesse: hoc enim ad *παρ' ἄλλων* referendum est, et opes nullo negotio, nullove patrum merito per manus quasi traditas indigitat. Cum deinde *κατεχον*, *τῷ διασωσάντες* oppositum sit; ut occupandi sensu sumatur, contextus prorsus flagitat.

§. 4. c. 64. Το γὰρ ἀπραγμον εἰ σώζεται, μη μετα του δραστηρίου τεταγμενον.

Primo obtutu hæc verba secum pugnare videntur, quoniam otii amorem cum rerum gerendarum studio in iisdem hominibus junctum ægre cogites. Quare *Kistemaker*, opinionem hanc probabilem ipsi haud dubie reddente *τῷ τοιῶνδε πολιτῶν* in capitis proximi initio, de duobus hominum generibus sermonem esse autumat, de otiosis civibus, qui incolumes esse non possint, nisi junctos secum, juxta

se habeant alterius generis cives, grandia molientes. Sed, ut largiamur, a Nostro το βελομενον, το εταιρικον, το πολεμιον aliaque neutra singularia pro masculino plurali passim usurpari, (cf. Poppo ed. Thuc. I. 1. p. 104): fatendum tamen est, το ἀπραγμαον, et το δραστηριον simpliciter positum hoc potissimum loco durius dici pro οἱ ἀπραγμονες, et cet.

Deinde, si ἀπραγμονες ii sunt, qui re ipsa nihil agunt; per reipublicæ Atheniensis rationes alteri civium parti haud licebat, otio indulgere, dum altera in rebus agendis versabatur: velut Dicæopolis ille in Acharnensibus *Aristophanis*, qui consuetum rerum ordinem joci causa data opera pervertit, pro se ipse pacem cum hostibus pactus esse fingitur. Quæ enim populi suffragiis in commune decreta erant, ea ab omnibus rata haberi oportebat. Sin autem sensus esse debeat: tranquillitatis cupidos salvos non fore, nisi alii cives rebus gerendis alacriter incumberent; ex auctoris verbis talem significationem vix extorqueas. Etenim, qui lubenter feriantur, juxta cives magna conantes ægre collocantur, nec fieri potest, nisi ut alterum genus alterius conatibus plurimum officiat, ac ob id ipsum singulorum saluti male consulatur. In iisdem igitur hominibus autor vitæ tranquillæ studium rerum gerendarum amore aut diversis temporibus aut alio quopiam modo temperatum sumsisse existimandus est: quemadmodum de Germanis *Tacitus*, (de mor. germ. c. 15) quotiens, ait, bella non ineunt, non multum venatibus, plus per otium transigunt: fortissimus quisque ac bellicosissimus nihil agit: mira diversitate naturæ, cum iidem homines sic ament inertiam, et oderint quietem. Deinde το ἀπραγμαον idem est, quod paulo superius: ἀπραγμοσυνη. (cf. Poppo l. c. p. 168) nec aliam ob causam illud pro hoc vocabulo ponitur, nisi ut τῇ δραστηρίῳ adjectiva

forma corcinne respondeat. Denique τοιαυτὴ πολιτῶν capite proximo ad eos traxerim, qui ἀσφαλὺς δουλεύειν cupiunt.

§. 5. c. 64. Ἐι καὶ ἐπελθόντες οἱ ἐναντίοι ἰδρᾶσαν ὥς περ ἱκός ἦν, ἐπιγεγενητοα τε ἔνοσος.

Goeller l. c. I. p. 268 in not. ad hunc locum καὶ et τε sibi putat respondere. Equidem haud assentio. Primum enim καὶ, τε, inusitato et præpostero ordine positum foret, pro τε, καὶ. Deinde τε per se ipsum vim habet copulativam, nec altera vocula semper indiget, id quod *Poppo* (obs. crit. in Thucyd. p. 14 sq.) docuit. Denique ἐι καὶ cum latino interprete „licet“ significare credimus, quod in contextum bene convenit. Nolite, ait Pericles, mihi succensere, quod vos integra vestra tranquillitate servire non passus sim, licet hostes ob id ipsum, irruptione facta, male vos multaverint.

§. 6. c. 64. ἥς (δυναμει) ἐς αἰδίων μνημῆ καταλελειψεται. ἑλλήνων τε ὅτι ἑλληνες πλεσίων δὴ ἤρξαμεν. Heilmann, omisso τε, ἑλλήνων ad μνημῆ perperam referens, vertit ita: Ja, wir haben dadurch den griechischen Namen überhaupt verewigt, indem wir als Griechen unsere Herrschaft so weit ausgebreitet. Ut omittam, quod duplex genitivus a μνημῆ pendens aures offendat; vocula τε, nulla codicum auctoritate, eliminari non potest. Deinde ἑλλήνων cum πλεσίων commodissime jungitur: „non solum nos inter græcos populos longe plurimis græcorum civitatibus imperavimus: sed etiam et cet.“

§. 7. c. 65. Egregia ibi legitur morum et virtutum Periclis adumbratio: ex qua de Pericle moderationem in bello Atheniensibus suadente paucula liceat disputare. Conferatur velim *Plutarchus* in vita Periclis c. 20. 21, ubi vir summus Athenienses jam ante exortum bellum Peloponnesiacum de Sicilia expugnanda cogitantes continuisse, et, ut consilio adeo temerario abstinerent, permovisse nar-

ratur: quæ quidem optime concordant cum Periclis admonitione apud Thucydidem c. 65. ὁ δὲ ἡσυχάζοντας, καὶ ἀρχὴν μὴ ἐπικτώμενους ἐν τῇ πόλει, μηδὲ τῇ πόλει κινδυνεύοντας εἶφῃ περισσεύει. conf. I. 144. In eadem sententia Periclem perstiturum fuisse, si ætatem ad ea tempora, quibus expeditio illa sicala suscepta est, produxisset, neque Alcibiadi, sed Niciæ adstipulaturum fuisse, equidem credibile existimo. Et enim domesticæ Atheniensium opes bello et pestilentia attritæ quanquam pace ad tempus composita aliquantulum refocillatæ, ad Siciliam expugnandam vix sufficebant, nedum ad tuenda, quæ armis pararent: quod recte monuit Nicias apud *Thucyd.* VI. 11. 20. 21. conf. *Plutarch.* in Nicia c. 12 et *Diodor.* lib. XII. sub fin. Thucydides ipse quidem expeditionem Sicalam non omnino temerariam aut stolide susceptam sibi videri indigitat his verbis. ἀλλὰ τε πολλὰ ἡμαρτηθῆ καὶ ὁ ἐς Σικελίαν πλοῦς· ὁ οὐ τοσούτον γνῶμης ἀμαρτημα ἦν, πρὸς οὓς ἐπῆσαν, ἔσονται. . . . Tamen et ipse inter ἀμαρτηματα aliquatenus eam refert. Nimium igitur Alcibiadis rationibus VI. 17. 18. tribuere videtur *Porro* (Tom. I 2. p. 121) qui non adeo difficilem fuisse Siciliæ expugnationem contendit, ut prospero uti successu nequiquam posset. Quod ut largiamur; tamen, vel si fortuna diutius Athenis favente Syracusæ ipsæ captæ fuissent, facile erat auguratu, fore, ut tantam urbem Doricam a Jonibus teneri cum incolæ ipsi, octoginta triremibus (VII. 22) instructi, quæ cum urbe non protinus deditionem facturæ fuissent, tum reliqui Dores, præsertim Corinthii, qui I. 46 adversus Corcyræos nonaginta navium classem compararant, denique et Lacedæmonii non diu paterentur: ut igitur urbe tanto hominum et nummorum impendio parta Atheniensibus non sine maxima clade brevi cedendum esset.

§. 8. c. 69. Athenienses Melesandrum prætorem cum sex navi-

bus ad Lyciæ et Cariæ oram mittunt, ne piratæ Peloponnesiorum αὐτοθεν ὀρμώμενοι navium cursum e Phœnice et Phaselide venientium redderent infestum. Ἀντοθεν latinus interpretes vertit: qui ex ipsa Peloponneso veniebant. *Heilmann*: umi dem von Hause aus zu besorgenden Kreuzen der Peloponnesischen Freybeuter Einhalt zu thun. Nobis ad Cariam potius quam ad Peloponnesum αὐτοθεν pertinere videtur. Etenim Caria et loca vicina receptaculum piratis præbere poterant, unde profecti navigia Atheniensium mercatoria poterunt intercipere. Sin autem ex ipsa Peloponneso profecti fuissent, multo difficilius erat, insidiari navibus, ex Asia venientibus. Frigeret deinde oratio, si autor dixisset; piratas Peloponnesiorum ex ipsa Peloponneso proficisci. In promptu enim erat, nec diserte monendum, eos primum domo ad rapinas exercendas proficisci. Tum vero statione Melesandri pone Asiæ litus opus non erat, ad hanc protectionem ex portibus Peloponnesi impediendam. Animadvertimus, αὐτοθεν oppositum patriæ, et simili sensu aliquoties occurrere. cf. VI. 71. Accedit, quod ὀρμώμενοι ἐκ χωρῆς III. 31. IV. 1. non necessario de patria, sed sæpe de exteris locis, unde præsidii belli petitis prodirent, accipitur.

§. 9. c. 76. Καὶ δοκούς μεγάλαις ἀρτήσαντες, ἀλυσεσι μικραῖς σιδηραῖς ἀπο τῆς τομῆς ἐκκατερῶθεν ἀπο κεραίων δυο ἐπικεκλιμένων καὶ ὑπερτανοῦσων ὑπὲρ τοῦ ταχέως ἀνελκυσάντες ἐγκαρσίας, ὅποτε προσπεσεῖσθαι πῃ μᾶλλον ἢ μηχανῇ, ἀφίεσαν τὴν δοκὸν χαλαραῖς ταῖς ἀλυσεσι, καὶ οὐ διὰ χεῖρας ἔχοντες· ἥδε ἐνυμνὴ ἐμπικτεσθαι ἀπεκαυλίζε το προεχόν τῆς ἐμβολῆς.

Heilmann consentiente in plerisque *Goellero* vertit: Sie nahmen grosse Balken, an deren beiden Enden sie lange eiserne Ketten befestigten, und solche über zween auswärts über die Mauer hinausgelehnten Bäumen queer über die Mauer hiengen etc.

Ἀνελκυσάντες perperam verti videtur: hiengen. Nec sufficit *Goeller*:

sie zogen queer hinauf. Nos quidem existimamus, ballistæ Romanorum, de qua *Adam* (Röm. Alterthümer, herausg. von Meyer, II. 134) parum luculenter exponit, aliquatenus similem fuisse istam Plataënsium machinam, ita quidem, ut trabs, intrusa catenis ferreis, et magna vi retro tensa, deinde subito laxata, ingenti impetu, motu in arcum sinuato, arieti impingeret, eumque diffringeret. Et enim mero in pronum lapsu, cum altitudo muri non adeo grandis esset, fieri vix potuisset, ut aries pondere trabis irruentis diffringeretur. Quamobrem locum istum ita interpretamur: Auch befestigten die Belagerer grosse Balken an langen eisernen Ketten an beiden Enden, und spannten sie quer an zwei Stangen, die sich auf die Mauern stützten und darüber hinausragten, aufwärts zurück: und wenn dann das Sturmzeug im Begriff war, heranzustossen, so liessen sie den Balken an den sich schnell abspannenden Ketten aus den Händen los, und da er mit Gewalt auffiel, schlug er den Kopf des Mauerbrechers ab.

§. 10. c. 77 Οἱ πελοποννησιοὶ νομισαντες ἀπαρὸν εἶναι ἀπὸ τῶν παρόντων δεινὸν εἶναι τὴν πόλιν. *Heilmann*: durch die bisher versuchte Gewalt: *Jacobi*: durch die bisherigen Zwangsmittel. Verisimilius nobis videtur, ἀπὸ τῶν δεινῶν referendum esse ad ἀπαρὸν: propter pericula imminencia aut pro iniquo rerum suarum statu tum obtinente desperabant, capi urbem posse. Ἀπὸ simili sensu apud Thucyd. IV. 130 occurrit: confer. etiam *Zeune* ad *Vigerum* C. IX. Sect. I. §. 16.

Ibidem. ἐπιπαρρησαν ab *Heilmanno*, vertente: sie warfen Reisbündel in die Stadt, falso legi et explicari, *Bredovius* monuit: sed idem a justo sensu aberravit, reddens: Sie suchten dergleichen aufzuhäufen, auch in der übrigen Stadt. ἐπιπαρρησαι tantum juxta et extra moenia congestos fasciculos significat. Nimirum ad ligna intro in

urbem jaculanda machinis opus fuisset, de quibus tacet Thucydides.

§. 11. c. 81. 'Ου γὰρ ἦν ἀνευ ὀπλῶν κινήσῃναι. *Jacobi* temere legit aut vertit: Ohne Schwebbewaffnete durften sie nicht vorrücken. Rectius dixeris: sine armatura scilicet plenaria et gravi propter funditores ipsis e longinquo imminentes non iis licuisse longius procedere.

§. 12. c. 87. 'Ουδὲ δίκαιον, τῆς γνώμης το μὴ κατὰ πρότας νικῆσαι, ἔχον δὲ τινα ἐν αὐτῇ ἀνίλογιαν τῆς ξυμφορᾶς τῇ ἀποβάντι ἀμβλυνεῖσθαι. Durissima mihi visa est constructio: τῆς γνώμης το νικῆσαι pro: τὴν γνώμην νικῆσασαν. Etenim: partem animi sive fortitudinis, quia non per vim superata sit, non debere debilitari, quid sibi velit, vix intelligitur. Equidem τῆς γνώμης cum ἀμβλυνεῖσθαι ita jungendum censeo, ut aut constructio præg-nans sit, pro: τῆς γνώμης ἐκπεσόντας ἀμβλυνεῖσθαι: aut ἀμβλυνεῖσθαι per se ipsum tanquam verbum, quod defectum indiget, genitivus sequatur. Si lectione ad marginem nonnullorum codd. reperta το τῆς γνώμης νικῆσαι: prona forent omnia. Sed τῆς γνώμης vel pro se ipsi pro accusativo positum auctoritate non caret: conf. *Herodian.* III. 4. τοῦ ἑμπαροῦ πολλῶν Ἰλλυριῶν ἀπελασπον. Το νικῆσαι sc. μέρος pro οἱ νικῆσιντες poni posse, vix est, quod moncamus.

§. 13. Ibidem. Νομισθῆναι, τοὺς μὲν τυχαίως ἐνδεχέσθαι σφαλλεῖσθαι τὰς ἀνδραποῦς, τοὺς δὲ γνώμας τοὺς αὐτοὺς ἀσ. ἀνδραποῦς ὁρῶς εἶναι. Nisi forte εἶναι pro δοκεῖν sumas: ὁρῶς sensu consueto accipi vix potest. In mentem igitur nobis venit a prima vocis ὁρῶς significatione (de qua conf. Thuc. V. 42. 46) hunc loci sensum repetere: sibi in consiliis constare et semper erecto animo fortes esse decet: ita ut ὁρῶς opponatur τῇ σφαλλεῖσθαι.

§. 14. c. 94. Καὶ οὐκ ἂν ἄνεμος ἐκώλυσε. Vitiose vertitur ab *Heilmanno*, quem *Jacobi* sequitur: wenn der Wind sie nicht aufgehalten hätte. Non enim cum ἐκ ἐβλήθησαν sive cum protasi verba ista jungi possunt: sed propter ἂν ad apodosin debent pertinere. Isti versioni haud

dubie occasionem dederunt verba c. 95 *Και τις και ανεμος λεγεται αυτους καλυσαι*. Sed ipsam illam venti intemperiem leviolem fuisse colligas ex vocula *τις*: deinde verba nostro loco præcedentia, *ει εβληθησαν μη κατακρηται* id ipsum sibi volunt: si satis firmo consilio absque omni tergiversatione Piræum voluissent adoriri, ventus ipse (cujus aut mutationem expectare, aut vim transverso cursu declinare poterant,) ipsis impedimento non fuisset.

§. 15. c. 96. 97. De Scythis pauca quidem sed memoratu non indigna affert Thucydides: cujus sententiam aliorum scriptorum, similem materiam tractantium, locis jam lubet illustrare. Primum illos in confinibus Getarum, quos trans Hæmum et circa australem Danubii ripam collocat, habitare dicit: unde colligas, de Scythis Europæis Thucydidem loqui, qui sinistram Istri ripam accolant, qua mari misceatur, proximis et ulterioribus locis idcirco non exceptis. De vitæ genere hæc habet: pari eos cum Getis cultu uti, sagitta ex equis pugnantes. Vagum igitur vitæ genus haud disertis verbis iis attribuit, quod tamen plerosque eorum secutos esse, magno consensu veteres sunt auctores: quanquam nonnullas stirpes agris colendis operam dedisse *Herodotus* tradit. De opibus Scytharum hanc Noster habet sententiam: Thracibus, quanquam inter Jonicum et Ponticum mare validissimis, illos præliandi robore et copiarum numero longe esse superiores: nec ullum, vel in Europa, vel ne in Asia quidem populum, si singulos compares, Scythis æquiparari posse, aut parem futurum, siquidem concordēs inter se fuerint. Quod vero res ad vitam necessarias adtineat, Scythas consilio et prudentia aliis populis inferiores esse. Memoratu dignum est, quod, quæ Thucydides de Scythis, eadem ferme de Thracibus perhibet *Herodotus* V. 3. nempe: præter Indos numerosissimam gentem

Thraces esse: quos, si communi unius imperio et consiliorum concordia uterentur, invictos futuros esse. De populis trans Istrum sitis nec secum prorsus nec cum Thucydide consentit Herodotus. Gentes enim, ait, (V. 9) in altera Istri ripa sitas propemodum obscuras et ignotas esse, nec de ulla se compertum habere, nisi de Sigynnis. Terram vero incultam sibi videri et in immensum patere. Idem vero IV. 99 Istrum in Scytharum finibus mari misceri sumit. (confer. *Arrian.* de exp. Al. I. 3) Cum vero Athenienses mercaturam haud sine quæstu cum Chersoneso Taurica, ubi Scythæ habitabant, exercerent, Thucydidi Atheniensi vel hanc ob causam copia erat, de Scythis vera comperiendi. Deinde cum ipse in Thracia diu habitasset, Thraces et Danubii accolæ non potuit non probe cognitos habere: idemque populos Scythicæ originis non ad ostia solum Danubii sed ad interiorem quoque fluvii ripam habitare haud dubie credebat, melius Herodoto ista de re edoctus. Mirum vero non est, quod tantas opes Scythis Noster tribuerit, cum magnam borealium Europæ regionum partem et præterea Asiæ mediæ tractum haud exiguum tenere Scythæ crederentur: qua de re conferendi sunt *Diodorus* l. II. ed. Steph. p. 89. c. 35. 43. *Justinus* II. 3. *Curtius* VI. 2. et *Bayer* in comment. Petrop. l. p. 395 sqq. Parum vero cultu Scythas profecisse ideo Noster dicit, quod ab elegantioribus vitæ deliciis, artibus et mercatura alienæ, vagoque vitæ genere utentes nonnullæ eorum stirpes terram non arabant, de quibus *Aeschylus* (Prometh. vinct. 707 sqq.) canit: Ἥλιος πρὸς ἀντολὰς Στρεψασσά σκυττὴν, σαχ' ἀνηροτοῦς γυαί. Σκυθαὶ δ' ἀφιζέ νομαδας· οἱ πλακταὶ τε γὰρ πεδαρσίοι καίουσ' ἐπ' εὐκυκλοῖς ὄχοις, ἐκρηβολοῖς τοξοῖσιν ἐζηρητημένοι. Confer. quæ *Strabo* VII. §. 6. 9. de morum asperitate et exili victu Scytharum refert. *Eustathius* in commentar. ad *Dionysium* Periegeten v. 666 (p. 230 ed. Bernhardt)

Lips. 1828) ex *Arriani* nescio quo libro refert: Scythas, cum agriculturæ olim operam dedissent, clade a Thracibus sibi illata, gravissimo sese obstrinxisse jurejurando, se deinceps sedibus certis non usuros, et in plaustis errando vitam pastoritiam acturos esse.

§. 16. Subjungimus jam nonnulla ad librum primum Thucydidis pertinentia, quæ, dum *Popponis* commentarios integros, nondum editos, frustra expectabamus, in schedis nostris partim retenta, jam, sollicitante nova, quæ prelo nuper exiit, interpretatione, alteri annotationis nostræ fasciculo liceat inserere.

I. c. 2. Καὶ παραδῶμα τοῦτο τοῦ λόγου οὐκ ἐλαχίστον διὰ τὰς μετακίτας ἐς τὰ ἄλλα μὴ ὁμοίως ἀνέζηθῆναι.

De loco hoc vexatissimo quid sentiamus, pace virorum doctorum exponamus. Του λόγου idem esse, quod λελεγμένου, et ad sequentia referendum esse, bene docuit *Wytenbach*, (in eclogis histor. ed. aucta 1827. p. 280) confer etiam *Poppo* obs. critt. p. 181. Sed persuadere nobis non possumus, Atticam, licet proxima periodo memoratam pro subjecto του ἀνέζηθῆναι habendam esse. Attica enim, in tanta civium et inquilinorum frequentia, de qua paulo inferius sermo est, quamobrem non crevisse perhiberi possit, nequaquam liquet. Soli enim Attici tenuitas, de qua supra mentio injicitur, tutiore ab hostium incursionibus Atticæ conditione pensatur. Asperior vero et a græci sermonis perspicuitate abhorrens videtur ea verborum complexio, quam *Wytenbach* sequitur; [τὴν Ἀττικὴν] διὰ τὰς μετακίτας, ἐς τὰ ἄλλα μὴ ὁμοίως, ἀνέζηθῆναι: quasi Thucydides scripsisset: διὰ τὰς μὲν μετακίτας ἀνέζηθῆναι, ἐς δὲ τὰ ἄλλα μὴ ὁμοίως.

His potissimum rationibus permoti totius capitis subjectum, ἄλλῃ, huic quoque loco substruimus, sic interpretantes: sequentis sententiæ: [του λόγου] græcas nempe civitates propter migrationes in.

ceteris non similiter auctas esse, argumentum hoc est non levissimum... Ες τα ἄλλα cum ambiguum sit, utrum ad regiones, (quod quidem nobis paulo probabilius videtur) an ad vitæ cultum, opes et talia pertineat, nos lectori arbitrium relicturi data opera reddidimus: im Uebrigen. Neque vero cum *Goellero* jungere velim: μετακινῶς ἐς τα ἄλλα. Sic enim, quod a Thucydidis dictione alienum est, ἐς τα ἄλλα otiosum foret. Neque cum *Müllero* (Thucydides Gesch. d. pel. Kriegs, übersetzt von Hieronymus Müller, Prenzlau 1828) qui vertit: dass andere Länder durch Umzüge nicht gleich diesem gewonnen haben, το ἐς omiserim: sic enim, nulla codicum auctoritate textui vis temere infertur. Μη ὁμοίως dubium est, utrum Græciam ab Attica sola, an reliquas quoque inter se provincias incrementi tenuitate discrepasse, indigitet. Illud tamen nobis veri similis videtur.

Denique μη ὁμοίως ἀνυξήθησιν, haud difficulter poni posse, pro: ὅτι, μη ἐμ. ἠνυξήθησαν, multa Thucydidis loca fidem faciunt. Summa vero sententiæ, quam in universo capite probandam autor sibi sumit, hæc est: Græciam, cum solum sæpe verterent incolæ, tarda et tenuia et inæqualia olim cepisse incrementa. Atticam vero propter ipsam proventus tenuitatem, incursionibus exterorum, minus obnoxiam ideoque tutiorem ac incolis frequentiore factam esse.

§. 17. l. c. 20. Τοιαυτὰ ἔργον τα παλαιοι, χαλεπὰ οὕτα παντὶ εἶναι τεκμηριῶ πιστεῦσαι.

Müller parum accurate vertit: kaum glaubhaft bei Verfolgung jeglicher Spur.

Bredov. So beschaffen fand ich die ältern Begebenheiten, dass es schwer ist, sie zu glauben, wenn man in jeglichem Falle der Reihe nach Beweis verlangt: temere vertit, quasi legatur: τοιαυτὰ. εἰ τα παλ., ὥστε χαλεπὰ εἶναι πιστεῦσαι, ἐν δὲ παντὶ εἶναι τεκμηριῶ πιστεῦσαι.

Omiserunt interpretes, ea, quæ Thucydides memoriæ mandavit, nequaquam difficilia esse ad credendum, quia priusquam literis ea proderet, fabulosa jam diligentissima disquisitione a veris secreverat. Vetustatem potius universam eo vitio laborare dicit, quod auctoritates, si singulas, quæ forte offerantur, percenseas, dubiæ sint fidei: cujus rei exemplum, quæ de Hipparchi cæde narrentur, excitat.

Ibidem. ὡς πρεσβυτατος ἤρχε των Περσικου υἱων.

Müller vitiose vertit: dass Hippias seinen Brüdern gebot: manifesto ἤρχε tyrannidem Hippiae indicat; et genitivus των υἱων pendet a πρεσβυτατος. Id ipsum enim refutandum sibi sumit Thucydides, quod alii perhibuerant, Hipparchum cum Hippia Athenis imperasse. Consentientem habemus Scholiasten, qui disertis verbis dicit: ἤρχε των Ἀθηναίων.

§. 18. l. c. 33. μηδε δυαν φθασαι ἀμικτωσαν, ἢ κκώσαι ἡμεις, ἢ σφῆς αὐτους βεβαιωσασθαι.

Müller negligentius reddit: damit nicht die Erreichung beider Zwecke ihnen fehlschlage, uns zu schaden, und die eigene Macht zu befestigen. Liqueat, ab eo φθασαι, et particulas ἢ, ἢ omissas esse. Reddenda potius verba sunt in hunc sensum: Damit von ihren Zwecken wenigstens Einer vorläufig nicht unerreicht bleibe, entweder uns zu schwächen, oder sich selbst zu stärken.

§. 19. c. 36. Τοδε θαρσαν μη δεξαμενον ἀδελφες ὃν προς ἰχουοντας τους ἐχθρους ἀδελφον ἴσομενον.

Müller explicat: Dass seine unmächtige Sicherheit, die uns zurückweist, gegen mächtige Feinde gefährlicher seyn wird.

Ἀδελφον ita forte sumendum credidit, ut = intensivum sit: sed ista significatio omni auctoritate destituitur. Scholion recte inter-

pretatur: φόβον μὴ ἐμποιεῖν, ἀσφαλεῖς. Deinde φοβησόν in antithesi prorsus flagitat sensum: Id, quod metum hostibus non incutit.

§. 20. I. c. 37. Ἦν δὲ τι που προλαβῶσιν, ἀναιχυντῶσιν. Nos quidem duorum codd. apud Popp. lectionem: προλαβῶσιν potiore esse duximus, quia πλεον ἐχῶσιν in proximis occurrit: ac usitatam lectionem si admittas, otiosa ejusdem fere notionis repetitio auctori vitio verti possit.

Poppo lectionem ἀναιχυντῶσαι pro: ἀναιχυντῶσαι recte retinuit, quia indicativus nexum et concinnitatem periodi turbaret.

Male *Müller* reddit: Unverschämt jeden irgend erlangten Vortheil zu behaupten. Alius enim sensus cum præcedentibus optime cohæret: Idcirco Corcyraei fœderibus abstinent, ut, si quid raptim occupandi copia fiat, absque pudore, nullius testis præsentia confusi facere id possint. Sine dubio oratio Corinthiorum ad Corcyraeorum impotentiam, quacum maris imperium circa Jonicas insulas exercerent, et ad piraticam, cui, conniventibus magistratibus cives indulgerent, alludit, unde mercaturæ Corinthiorum damnum passim allatum esse, verisimile est.

§. 21. I. c. 41. παρανεσιν δὲ καὶ ἀξίωσιν χάριτος τοιῶνδε, ἣν οὐκ ἐχθροὶ ὄντες, ὥς ἐβλαπταν, οὐδ' αὖ φίλοι, ὥς ἐπιχρηδαί, ἀντιδοθῆναι ἡμῖν ἐν τῷ παρόντι φαμὲν χρήναι. Sensus est: Primum nos Corinthii jure a vobis postulamus, ut fœdere cum Corcyraeis abstineatis. Deinde cum nec ii simus, qui hostilem animum erga vos geramus, ita ut damnum vobis inferre gestiamus, nec ii, quibus tam angusta amicitiae necessitudo vobiscum intercedat, ut metui locus sit, ne vobis sæpius abutamur, sive auxilio importunius flagitando molestiam facessamus: cum denique bene de vobis olim meruerimus; jamjam ut fœdere nobiscum incedendo gratiam nobis referatis, oramus et exposcimus.

Ita vero locum vertit sive sensum prorsus pervertit *Müller*: Wir haben auch eine Aufforderung und Anmahnung zur Dankbarkeit, die Ihr, behaupten wir, uns, denen Ihr weder als Feinden zu schaden, noch als Freunden beizustehen, Veranlassung habt, im gegenwärtigen Falle schuldig seyd.

Liquet, interpretem secum pugnantia loquentes inducere Corinthios. Quo pacto enim Athenienses, quorum opem implorant Corinthii, dicere autor possit, nullam copiam aut opportunitatem habere his auxiliandi, eosdemque gratiæ istis referendæ officio teneri. Accedit, quod idem subjectum, quod in *φαρμακον* latet, pro orationis græcæ tenore, nempe *ἡμῶν* sive Corinthii, ad *βλαπταν* et *ἐπιχειρῶν* pertinere debet.

§. 22. I. c. 70. *τοῖς μὲν σωμασὶν ἀλλοτριωτάτοις ὑπὲρ τῆς πόλεως χροῦνται, τῇ δὲ γνώμῃ οὐκαιοτάτῃ ἐς τὸ πρᾶσσαν τι ὑπὲρ αὐτῆς.*

Müller, *Portum* aliosque secutus, ita reddit: „Ganz fremder Arme bedienen sie sich für ihre Vaterstadt: aber selbst eigener Klugheit, etwas für dieselbe zu wirken. Ut largiamur, sociis navalibus, aliunde conductis usos esse Athenienses (cf. I. 121. *ὥστ' ἡ τῶν Ἀθηναίων δύναμις μᾶλλον, ἢ οὐκ αἰσ*); tamen universas copias nequaquam peregre collegerunt (cf. II. 13) et pedestri militi potissimum domestico patriæ custodiam demandarunt. Deinde quid tandem nervi hoc loco inesset commemorationi militum mercenariorum, quibus passim Athenienses utebantur. Id enim agit orator, ut, quanto jure Athenienses, si hostes sint, metuantur, evincat; unde proficiscitur, oratorem, si militiæ Atheniensium vires elevare voluisset, contra id, quod sibi propositum erat, dicturum fuisse. Rectius itaque sic locum interpreteris: Corpora, ipsamque vitam pensi non habent, quasi aliena ista sint: animos contra et consilia, quæ

agitant, veras suas opes, unice quasi sibi proprias, existimant. Præterea *ἄλλοτρια* eodem sensu occurrit apud *Isocratem*, (*Panegy.* c. 24) et *Iysiam* (epitaph. c. 21) confer. etiam quæ *Goeller* docte ad h. l. annotavit.

§. 23. l. c. 102. *Τῆς δὲ πολιορκίας μικρὸς καὶ στερητικὸς τὸν τε ἔθνα ἰφαιματοῖ βίη γὰρ αἱ ἔλαν το χάσαν.* Quæritur, utrum Lacedæmonii, an Athenienses ii putandi sint, qui arte obsidionali parum valuisse dicantur: deinde utrum de priori belli Ithomensis ætate ante Atheniensium adventum, an de posteriori, quo copias suas cum Lacedæmoniis junxerant, verba ista intelligenda sint. In utramque partem viri docti disputarunt. Quum teste *Herodoto* IX. 70. Lacedæmonii artis illius rudes essent, ad hos verba optime conveniunt, *Reiske* vero de Atheniensibus ea vult accipi: Apparebat, ait, his non esse peritiam hujus rei, paræm expectationi Lacedæmoniorum. *βίη γὰρ αἱ ἔλαν . . .* aliâs vi fuissent urbem capturi. Sed istud „aliâs“ violenter heic intruditur. Nec intelligere licet, quare Athenienses, artis obsidionalis olim peritissimi, jam duce Cimonè pristina gloria inferiores repente se præstiterint. Existimamus igitur, *βίη* opponi *τῇ τε ταχέως νικῇ*: et sensum esse: per vim si stetisset, si omne rei momentum in copiarum numero et robore positum fuisset; tum Lacedæmonii castello ipsi potiti fuissent.

Observamus, quod in superioribus lectio *τῆς δὲ*, pro *τοῦ δὲ*, quam *Reiske* quidem et *Goeller* aspernantur, sed *Bekker* et *Poppo* codicum duodecim autoritate tumentur, ab nostra opinione non abhorret. Dux enim rationes, propter quas Athenienses in auxilium vocati fuerint, afferuntur: prior, quia ipsi obsidendi arte pollere viderentur: posterior, quia ab altera parte (*δὲ*) obsidione parum procedente hanc ipsam artem deesse appareret. Præterea *δὲ* non mere

exponendi, sed et continuandi passim vim habet. Scholiastes autem
A, idem quod *sonare*, contendit.

Sed abrupto jam annotationis nostræ filo accingimur ad produ-
cendos in medium juvenes ornatissimos, qui scholæ nostræ valedic-
turi pro rostris gymnasticis verba facient.

Primo loco dicturus est *Henricus Ehalt*, Nicrosulumensis, juris
studiosus, germanica oratione, de hominum moribus, eorumque
causis. Deinde

Fridericus Reiff, Vayhingensis, theolog. consecr. græce, de ju-
ventutis indole. Tertio loco

Carolus Adolphus Liesching, Waiblingensis, theol. stud. latine,
de ætatis virilis ingenio. Quarto loco

Ludovicus Augustus Carolus Rœmer, Stuttgardianus, theol. stud.
latine, de honoris cupiditate. Quinto

Carolus Fridericus Jäger, Stuttgart. theol. stud. gallice de hu-
manitate. Sexto

Christianus Guilielmus Binder, Ludovicopol. theol. stud. ebraice,
de vera in Deum pietate. Septimo

Carolus Gustavus Schwab, Stuttgart. juris stud. latine, de in-
dole Romanorum et Græcorum invicem comparata. Octavo

Gustavus Barth, Stuttg. theol. stud. germanice de hominum
medii ævi moribus. Denique

Johannes Fallatti, Hamburgensis, juris stud. germanice, de se-
culi nostri vitiis, eorumque remediis perorabit.

